



U tsireledzea kha inthanethe

Patricia Ndlovu

Sibusiso Khumalo





Inthanethe i ita uri ni gude, u tamba mitambo, u renga, na u amba na khonani dzaṅu u fana na ṅdila ine na zwi ita ḡuvha na ḡuvha.

I nga vha fhethu ha khombo kha vhana.


Ndi ngauri hu na vhathu vhane vha shumisa inthanethe vhe na zwiitisi zwivhi.



Vhathu vhavhi vha shumisaho inthanethe ndi:

- Mbava dza vhuṅe.
- Vhatambudzi vhane vha ḡo ni shonisa, kana u ni tsitsa tshirunzi.
- Vhane vha ḡidzumba kha inthanethe vha vhumba vhushaka na inwi nga tshipikwa tsha u ni tambudza.

Ni ḡo vhala zwinzhi kha masiatṱari a tevhelaho.



U dzula no tsireledzea kha mbava dza vhuṅe, ni songo dzhenisa haya mafhungo kha inthanethe:

- Dzina ḽa vhukuma.
- Nomboro dza luṅingo.
- Ḑiresi ya hayani.
- Žwidodombedzwa zwa muṭa waṅu.
- Hune na dzhena hone tshikolo.


Haya mafhungo a leludzela mbava dza vhuṅe uri dzi ḑiite inwi kha inthanethe.



Muthu ane a shengedza kha inthanethe ndi ane:

- A amba mazwifhi nga inwi.
- A ni kolela.
- A wanala kha zwirathisi zwa mafhungo, kha zwa vhudavhidzani, kha zwa mitambo na kha dziimeji.

Vhudzani muthu ane na mu fulufhela arali ni tshi khou tambambudzwa vhutshiloni kana kha inthanethe.



Vhane vha ḡdzumba kanzhi ndi vhaaluwa. Vha nga lingedza:

- U wana zwidombedzwa zwanu.
- Uri ni vha fhulufhele.
- U ḡita vhavhuya, na u ita u nga vha na ndavha na inwi na uri vha vhilaela nga ha inwi.
- U humbela tshinepe tshanu.
- U ri ni ite zwithu zwa khombo.

Dilindeni kha vhathu musi ni kha inthanethe.



A ri wani vhathu vhavhi fhedzi kha inthanethe. Hu dovha ha vha na mafhungo a mazwifhi na a huvhadzaho.

Ni so ngo fulufhela zwithu zwoṱhe zwine na zwi vhala kha inthanethe.


Humbelani mubebi kana mudededzi a ni thuse u vhona arali mafhungo a re kha inthanethe e ngoho kana e mazwifhi.



Musi ni tshi khou shuma kha inthanethe:

- Ivhani na vhuḡifhinduleli.
- Ṱhonifhani vhaṅwe.
- Fhaṭuwani.

Arali na ita zwenezwi zwithu zwoṯhe, ni ḡo tsireledzea kha inthanethe.



Musi ni tshi phosta mafhungo na zwinepe kha inthanethe, ni ɔo ɔifhindulela kha zwine na zwi posta.

Humbulani ni sa athu phosta.


Mafhungo kana zwifanyiso zwine na zwi phosta zwi nga shumiswa luvhi kha inwi kana muṭa wa haṇu.

Inthanethe a i hangwi zwe na zwi phosta, naho na zwi diḽitha.



Diṭhonifheni ni ṭhonifhe na vhane vha shumisa inthanethe: nga zwine na amba, zwine na phosta, na zwine na ita.

Ni songo vha na ṭhoni dza u vhudza vhabebi vhaṅu nga zwine zwa itea kha inthanethe kana muthu ane na tangana nae kha inthanethe.



Ni dzule no fhatuwa musi ni kha inthanethe. A si vhothe vhane vha vhonala vhe khonani dzaṅu, vha re khonani dzaṅu dza vhukuma.

Shumisani mafhungo a re kha heyi bugu u ni livhisa u ri ni dzule no tsireledzea kha inthanethe.

—Mbudziso

1. Bulani zwithu zwivhili zwine na nga zwi ita kha inthanethe.
2. Bulani mifuda miraru ya vhathu vhane vha ita zwithu zwivhi kha inthanethe.
3. Ndi ngani zwi zwa ndeme u humbela muthu muhulwane uri a ni thuse musini tshi khou shumisa inthanethe?
4. Nwalani zwithu zwivhili zwine a no ngo tea u zwi dzhenisa kha inthanethe.
5. Ni fanela u ita mini musini tshi pfa ni so ngo tsireledzea kha inthanethe?
6. Talusani mifuda mivhili ya mafhungo a re kha inthanethe ane a nga vha a songo ni lugela..
7. A si vhathu vhothe vhane vha diita khonani dzaṅu, vha re khonani dzaṅu nga ngoho! Zwi amba mini zwenezwi?
8. Ni tṱola hani uri mafhungo ane na a vhalala kha inthanethe ndi ngoho?

Heyi bugu ndi inwe i re kha mutevhe wa bugu
nna dzi ambaho nga thero ya thekinolodzhi ya
khomphyutha.

Bugu ya tshitori yo sikwa na u nwalwa sa
tshipida tsha thandela ya matheriala ya u
vhala ya Zenex Ulwazi Lwethu nga 2021.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

The Ulwazi Lwethu readers and storybooks have been quality assured and approved by DBE.

Your attribution should include the following:

Title: U tsiredzea kha inthanethe

Author/s: Patricia Ndlovu

Translator/s: Doris Manyamalala

Illustrator/s: Sibusiso Khumalo

Assurer/s: Tshedza Tlhako

Language: Tshivenda



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

